



Bũmb fãa tũuda ne Wënd pulenga, halı n tug n tãag kongre, la yam, maa yam silem la kongre

Yii a Tawuus nengẽ, a yeelame, mam paama neb sën yaa Wënd Tën-tuuma, (Wënd puusg la A tıgr be a yĩnga) sahaabsẽ wã, tı b yetẽ, tı bãmb fãa tũuda ne a Wënd kordogo (Wënd pulenga), a yeelame, mam wuma a Abdullaah [bn Umar, -Wënd yard be b yiibã yĩnga-, t'a yetẽ, Wënd Tën-tuuma, (Wënd puusg la A tıgr be a yĩnga), yeelame: «Bũmb fãa tũuda ne Wënd pulenga, halı n tug n tãag kongre, la yam, maa yam silem la kongre».

[Naşun Şahuhun (Gom-sikdem sën manege)] [A Muslim n togs-a]

Nabiyaamã, (Wënd puusg la A tıgr be a yĩnga), vënegame n wilgi, tı bãmbã fãa yaa ne kordgo; Halı n tug n tãag kongre: yẽ me yaa fo sën na n bas bãmb ning sën yaa tılae ne foom tı f maanã, la f leb n maan maas-maasa, n yaoond-a n yi a wakatã, sën yaa dũni la laahr yela. Halı n tug n tãag silem: yẽ me la yĩng yëegre la yam bedre, dũni wã yela la laahr yela. La leb n wilgdame tı Wënde, -A Naam yılgame n zëke-, Yẽ n kord kongre, Yẽ la Tõod ne bãmb fãa gilli, ka yıt yel-yıtı wã puşẽ, rënda bãmb ning sën da reng Wënd minim la A raab pugẽ.

<https://sunnah.global/hadeeth/mos/show/65039>

